


晋超三昧经



百五十四
惟三

44317



元祿七年丙子三月日重脩

皇圖聖國 帝階銀昌

佛日增輝 轉合輪常轉

山城州天安寺法金剛院置



普超三昧經卷第一

西晉三藏法師竺法護譯

正士品第一

聞如是一時佛遊王舍城靈鷲山與大比丘
衆俱比丘三萬二千菩薩八萬四千一切聖
達靡所不明開士大士神通已暢已得揔持
辯才無礙得無所著不起法忍曉了定行見
衆生心隨所應度而爲說法四天王天帝釋
梵忍天王及餘無數諸天龍神捷省和阿湏
倫加留羅眞陀羅摩休勒人與非人各百千
衆而俱來會尔時輒首童眞菩薩在山一面
異處梁上與二十五正士俱而講論法其名

惟

曰龍首菩薩龍施菩薩首具菩薩首藏菩薩
蓮首菩薩蓮首藏菩薩持人菩薩持地菩薩
寶掌菩薩寶印手菩薩師子意菩薩師子步
雷音菩薩虛空藏菩薩發意轉法輪菩薩辯
諸句菩薩辯積菩薩海意菩薩太山菩薩喜
見菩薩喜王菩薩察無岸菩薩遊無際法行
菩薩超魔見菩薩無憂施菩薩諸告議菩薩
是爲二十五正士兜率天上有四天子俱造
輓首童眞於後侍焉其名普華天子光華天
子美香天子常進法行天子復有異天子不
可計數僉然來侍如斯正士諸天子等亦悉
會坐各各講論如是之疇迭相謂曰仁者欲

知佛之智慧弘普無限不可思議不可稱量
無能滅度盡極際者不可以小意思原大德
鎧當以何方便誓被戒德鎧而能逮茲大乘
佛乘諸通慧乘不可思乘斯應道乎

龍首菩薩曰積累功德不以馱足建立休祚
不可限量而不毀失戒德之鎧一切所作無

所希望則應大乘諸通慧矣

龍施菩薩曰普弘等心調和其志溫潤其性
柔輒其意而心仁厚堅任正願於諸通慧被
戒德鎧化度生死則應大乘諸通慧矣
首具菩薩曰不可計劫趣斯大乘被戒德鎧
於無數劫不念劫數則應大乘諸通慧矣

首藏菩薩曰其自建立獨安已者不能逮趣
大乘通慧捨己之安建立衆生欲使大安隨
其所便令無僥冀而無所起勸進羣黎立於
道法則應大乘諸通慧矣

蓮首菩薩曰族姓子憶如來所講假使有人
自不柔順無有靜寂不隨律教而欲調伏靜
寂於他以律勸人者未之有也其自調順靜
寂奉律乃能化厲剛強憤亂抑挫犯禁則應
大乘諸通慧矣

蓮首藏菩薩曰其同塵勞於世法者則不度
世其不同塵勞於世染者乃能度世是故菩
薩有利無利若譽若毀有名無名若苦若樂

不動不搖則應大乘諸通慧矣

持人菩薩曰不可從他而致大乘諸通慧也
吾獨一己而無有侶以衆生故誓被德鎧設
護一切則吾所應將濟救攝頌更精進而不懈
怠教化黎庶無逮發學斯則應大乘諸通慧矣
持地菩薩曰譬言如仁者地之所載一切衆果
百穀藥木因地而生地無所置亦不求報羣
庶品類皆仰地活地不辭馱不以爲勞開士
大士亦當如是發心如地心無所著不以喜
怒勸諸黎庶使趣佛慧而不相報則應大乘
諸通慧矣

寶掌菩薩曰仁者當知被上德鎧乃至佛慧

無能沮敗令失大乘若於夢中不志二乘聲
聞緣覺常以實心諸通慧心爲人講宣於玆
寶心無所貪惜無所愛恠勸衆大乘誓被德
鎧彼所學乘非無有乘不增不減其心如
是無所欽慕則應大乘諸通慧矣

寶印手菩薩曰覩於羣黎墮墜六趣而發愍
哀惠施衆生授以法手其無信者爲造信手
其少智者爲博聞手其慳貪者爲惠施手其
犯戒者爲護禁手其瞋怒者爲忍辱手其懈
怠者爲精進手其亂意者爲一心手其邪智
者爲智慧手而隨衆生離清白法各各應時
具設法手開士殖斯德本之手印于三寶何

謂三具立群生於佛智慧勸助至于寶印之
手成已德本則寶印手念一切法猶如虛空
則寶印手興立如斯是則爲三則應大乘諸
通慧矣

師子意菩薩曰仁者當知被無畏鎧是爲無
懼所誓德鎧無礙鎧無怯弱鎧無懈怠鎧
斯則佛慧是故行者不當恐怖無難無礙無
怯無怠離諸厄懾衣毛不豎在於終始無有
瑕穢亦不希仰泥洹之德等住苦樂而無二
行則應大乘諸通慧矣

師子步雷音菩薩曰仁者當知其斯事者非
下才行則爲正士之所建造其正士者歸趣

平等離于邪見其正士者其心質朴而無諛
諂其正士者勞謙柔順尊師敬聖其正士者
勸學不倦所受根究其正士者欽悅正治建
立正業其正士者若有所欲捐廢穢法其正
士者若有瞋怒意無結恨其正士者若有愚
癡照除幽冥其正士者寂然憺怕近於定藏

其正士者具足恩惠施及貧厄一切輒濟其
正士者護身口意喟而靜冥其正士者言行
相副情性質直其正士者所至堅強尚具諦
法其正士者離於非法親存正典其正士者
樂于法樂護以正法其正士者輕忽身命不
擇衆生其正士者所立鏗然善施無羨其正

士者志純淑法消化函偽其正士者則以寶
藏救濟貧匱其正士者則爲良藥療諸疢疾
其正士者護諸畏懼令得自歸其正士者導
諸邪見至無岸際其正士者免濟勞穢勸以
經典其正士者調忍瞋怒而順所宜是故建
立正士之仁則應大乘諸通慧矣

虛空藏菩薩曰修以無量虛空之慈其精進
行未曾釋廢大哀之行諸根悅豫悉懷踊躍
於諸愛欲所可娛樂察如虛空布施持戒忍
辱精進一心智慧等如虛空則應大乘諸通
慧矣

發意轉法輪菩薩曰發菩薩意所發意者不

當發意令魔得便無令如來而不欣樂使諸
天人所不悅喜不令德本而有耗減若欲興
建爲道意者隨順誘勸當令弊魔不得其便
順如來意天人悅豫不失已身所造德本所
修如斯一切發意則轉法輪所以者何其菩
薩者諸所發意因緣所造如無所生曉了諸
法永無所起無所起者諸佛如來順如正覺
之轉法輪如是發心被戒德鎧則應大乘諸
通慧矣

辯諸句菩薩曰正士當知其道心者正士普
入塵勞怒害有漏無漏有爲無爲亦入於罪
不罪殃福亦入於善亦入不善亦入世法度

世之法亦入終始無爲之爲亦入斷滅有常
之計亦入諸陰衰入之事亦入地水火風所
以者何以諸因緣悉爲自然志性本淨所在
之處有所言說一切所講皆悉爲空而無所
有譬如虛空無所不入道心如是一切普至
菩薩喜樂如是慧者降棄一切文字辯才分
別衆塵得建辯慧若能入斯一聖達者則應
大乘諸通慧矣

辯慧菩薩曰一切所說皆無有言一切音聲
而不可得菩薩喜樂如斯慧者好言惡言不
悅不感譬如太山風來吹之尋復還返山不
動搖菩薩如是於諸異學一切語言不動不

搖在諸外徑亦無所住若如來言外徑異語
等法察之不以增減亦無所乱見諸辯才一
切法盡於諸盡法不念自大亦無所思菩薩
能行如斯慧者則應大乘諸通慧矣

海意菩薩曰菩薩所入當如入海覺了大道
一切聲聞所不能及信樂專心於一法味入
若干法無有若干觀深妙法未曾惑乱於緣
起法不增不減於諸經典無有若干是則名
曰不生不起一切衆生所起業者不殖德本
福無有盡所教無邊當分別了棄捐斷滅有
常之事不受諸法不斷諸法當建立志爲無
量器不忘捨法習諸通慧亦不釋法以平等

法為衆生說當習一切諸德善法如是具足
無數佛法以如是心被戒德鎧則應大乘諸
通慧矣

太山菩薩曰仁者當知其此乘者普超諸世
則謂佛慧其行所入不可限量由是之故超
度一切世間志性已能超度世間所行其所
信者過於俗間已過俗間其所施者持戒忍
辱精進一心智慧亦復如是悉能超度一切
世間之所有慧其所造福過於世間所興福
祚則應大乘諸通慧矣

喜見菩薩曰假使菩薩目所視色而無所惡
色之自然其心清淨耳所聽聞亦無所惡音

聲自然其心清淨鼻香舌味身更心法於六
情界如無所惡其六情界自然本寂其心清
淨其於憎愛心無所著其心清淨觀于衆生
順佛法者器無不應又其衆生處邪見者亦
復覩之在佛法器其愛已者在於王者歡喜
習俗有所施與尋復悔者等敬若茲菩薩大
士所行如是則應大乘諸通慧矣

喜王菩薩曰假使有人罵詈誹謗輕易毀辱
搥捶打撲於菩薩者心不懷恨而加喜悅以
善友想待遇對者而能忍辱現于忍力其心
欣豫思惟其法何所是罵誰爲罵者信解內
空不疑外空自見已身又覩他人則歡喜悅

便能惠施身命支體頭眼手足妻子男女國
城丘聚財穀珍寶倍復踊躍寧聞一頌恬忽
世營轉輪王位常樂爲人講說經法不羨帝
釋思開一人使發道心不僥梵天願見如來
不貪三千大千世界滿溢琦珍從生明達不
乏諸根信樂愛敬諸道品法如是悅樂所造
行者則應大乘諸通慧矣

察無岸菩薩曰假使見一切法度於彼岸不
墮貪身淨諸佛土覩諸佛國皆亦清淨亦無
想行見一切佛不發色想見衆羣黎想雖有
肉眼覩罪福淨具足天眼得無所壞雖得慧
眼離諸塵勞信樂佛眼具足成就十八不共諸

佛之法已得法眼具足如來十種之力假使菩
薩所被德鎧信行如斯則應大乘諸通慧矣
遊無際法行菩薩曰族姓子知一切緣菩薩
所爲則悉歸趣諸通敏慧所以者何觀諸所
有一切因緣不任於內不處於外不在口言
假使菩薩不任因緣亦不御趣塵勞之礙亦
不勸導罪福之礙無報應礙無諸根礙無諸
法礙無非慧礙已度罪福塵垢魔界則應大
乘諸通慧矣

超魔見菩薩曰惟族姓子已任吾我自見已
身則便處于魔之事業已斷吾我不覩所虛
已除所見則無諸陰已除諸陰則不見魔已

度魔界則尋逮成無礙脫門菩薩已逮無礙
脫門則應大乘諸通慧矣

無憂施菩薩曰仁者當知其犯惡者後懷湯
火其為善業後無憂感是故菩薩當修善業
其所作者無能說短所興造者後無所悔無
諸礙蓋假使衆生愁憂不樂則為講說離憂
之法菩薩大士如是行者則應大乘諸通慧矣
諸告議菩薩曰惟族姓子其有士夫奉禁戒
者所願必獲已獲所願所獲立本由無放逸
立無逸已具道品法已能具立道品之法則
諸通慧戒禁之正也菩薩已任無逸道法則
應大乘諸通慧矣

普華天子曰譬族姓子樹華盛時多所饒益
於一切人菩薩以功德本而自莊嚴猶樹華
茂饒益羣黎如忉利天晝度之樹紛葩茂盛
忉利諸天莫不敬仰菩薩如是以諸法門而
自校飾諸天龍神捷沓和世人阿湏倫靡不
宗戴猶如天上明月之珠無有瑕穢衆德具
足開士志性清淨無瑕德義顯備則應大乘
諸通慧矣

光華天子曰譬族姓子日出光明滅除衆冥
終始光現菩薩如是具足慧光慧法施世爲
諸愚冥無明衆生顯示大光導自然法其幽
闇者不能蔽暉其光明者則能消冥導示徑

路已任徑路菩薩大士其在邪徑示現正路
已任正路則應大乘諸通慧矣

心華香天子曰譬族姓子心華之樹其香普
熏周四十里其香無想菩薩如是以戒博聞
定慧解度知見之香以爲芬熏三千大千世
界以法之香靡不周徧一切衆病香即療愈
假使菩薩被此法香則應大乘諸通慧矣
常進法行天子曰仁者當知其精進者無懈
怠心是故菩薩修諸德本而不厭倦常當遵
崇志八法行何等人六度無極四等梵行遊
步五通而以四恩救攝群萌志三脫門逮得
法忍勸勉佛慧開化衆生令發道意導權方

便接濟有爲所有諸法是爲八遵崇八法之
行則應大乘諸通慧矣

於是輒首語諸正士及天子曰仁者欲知菩
薩精進若不精進至諸通慧所以者何其翫
習者行在三界若遵修者謂諸徃見其翫習
者是謂爲內亦不翫習是謂爲外其翫習者
謂聲聞地若遵修者謂緣覺地其翫習者謂
在衆結所行勤勞若遵修者則謂所著凡人
之法其翫習者則謂爲名若遵修者則謂爲
色其翫習者則謂報應若遵修者則謂所見
其翫習者謂有所著若遵修者則謂有所得
其翫習者則謂我所若遵修者則謂吾身其

翫習者則謂慳貪若遵修者則謂布施而不
想慢其翫習者則謂犯戒若遵修者則謂持
戒而不想慢其翫習者則謂瞋怒若遵修者
則謂忍辱而不想慢其翫習者則謂懈怠若
遵修者則謂精進而不想慢其翫習者則謂
亂意若遵修者則謂一心而不想慢其翫習
者則謂愚癡若遵修者則謂智慧而不想慢
其翫習者謂不善本若遵修者謂等善本而
不想慢其翫習者謂無福根若遵修者謂殖
德本而不想慢其翫習者謂世俗法若遵修
者謂度世法而不想慢其翫習者謂有爲法
若遵修者謂無爲法而不想慢其翫習者謂

為罪法若遵修者謂無罪法而不想慢其翫
習者謂諸有漏若遵修者則謂無漏而不想
慢是謂翫習至於遵修離諸所見不著不斷
菩薩百趣則應大乘諸通慧矣又次仁者而
不得至於諸通慧何故不至以何等至諸通
敏慧諸通慧者離諸所作其諸通慧亦無所
至亦無有逮諸通慧者又諸通慧亦無色像
亦無痛癢思想生死識之形貌也其諸通慧
者亦無法則亦無非法其諸通慧亦無有施
所以者何諸通慧者則為施與又諸通慧無
有持戒忍辱精進一心智慧所以者何諸通
慧者則自然聖諸通慧者無去來今所以者

何其諸通慧超度三卅諸通慧者無眼耳鼻
舌身心識所以者何度諸界故諸仁欲知諸
通慧者若有菩薩欲得通慧任如通慧當云
何任於一切法而無所任斯則爲任於諸通
慧一切諸法皆非我所斯諸通慧於一切法
無所倚著斯諸通慧等凡夫地等於佛地於
一切法亦爲平等斯諸通慧又行菩薩不當
於餘求諸通慧惟當從此四大界求自然造
行所以者何斯自然者此無所有斯自然者
則無有形於是善法名曰我身於我身者而
無有身無有善惡無我無壽無命無人假令
我身則無所有亦復無有彼則無行亦無所

有彼所有形則亦無實其所見者亦無所有
亦無有實其慧見於所有無有有實無實等
斯諸慧則諸通慧輒首童真說是語時二千
天子得不起法忍萬二千人皆發無上正真
道意

普超三昧經化佛品第二

於是辯積菩薩白輒首童真曰且當俱往觀
于如來面問大聖菩薩大士當興何行輒首
尋於其處化作如來其體形像如能仁佛輒
首童真謂辯積曰族姓子如來在斯何不啓
問菩薩大士所設之行於是辯積問化如來
唯然世尊菩薩大士當設何行時佛告曰如

我所設菩薩亦當修如是行又問云何世尊
所造立行其佛答曰亦不行施不行禁戒不
行忍辱不行精進不行一心不行智慧不行
欲界不行色界不行無色界不造身行不造
言行心不念行一切無行亦無因緣是菩薩
行於族姓子心趣云何其化現者豈有行乎
答曰天中天化者無行報曰如是族姓子菩
薩大士當造斯行辯積菩薩白輒首曰今所
見佛將無化乎輒首答曰仁者不聞一切諸
法化自然乎幻變之相而不退轉報曰如是
諸法實化自然幻變而不退轉答曰今族姓
子何故發言今現如來將無化乎一切諸佛

及一切法豈不化耶又問誰爲化者荅曰自然業淨而化之耳又族姓子菩薩不當任於我人壽命佛之聖道及凡夫者而計有任辯積問化如來世尊何學自致得佛荅曰無所學者則菩薩學菩薩所學無有形像亦無倫比亦無所受亦非不受亦無想念亦不離想亦無所行無行不行則菩薩學無著不著無慢不慢亦不調戲亦不遵修不離遵修無想無取無所遊居亦無有想不起不滅不來不去無任無化亦無有形亦無言辭普離一切諸所想行則菩薩學其作斯學是爲等學造斯學者則無所趣則無所增亦無所損造斯

學者亦無所著亦無所脫亦無所染亦不離
塵亦無結恨不墮愚冥如是學者乃謂爲學
學如斯者不詣諸趣是故族姓子菩薩大士
欲得逮成無上正真道者學我所學又問云
何佛學答曰如我無戒亦無所犯不施不受
不戒不犯不忍不瞋不進不怠不禪不乱不
智不愚無學不學無所不行而吾無得亦無
所等無佛無法亦無我想亦無人想亦無壽
想亦無命想亦無法想亦無有想亦無無想
所以者何一切諸法悉無所造一切諸法以
無所造自然如幻亦無有想亦無有二一切
諸法離諸所樂一切諸法而不可見一切諸

法超度眼句諸法平等而無差特諸法愚冥亦無所徑無爲無人故無人言教故無處所無有言教則無所生其信此者不念所信亦不自大亦不念道是故族姓子若有菩薩如是比類學佛道者不恐不懼不難不畏乃爲菩薩如族姓子虛空之畏不畏於火不畏於風不畏於雨不畏於霧不畏於塵不畏於雷不畏於雲不畏於電不畏於雪所以者何空者自然故曰空畏菩薩如是於一切法而無所畏於一切法不念苦樂假使菩薩心等如此則能成佛降伏衆魔則成無上正眞之道爲最正覺亦能導利一切衆生時化如來說

此語竟尋即化滅不知其處辯積菩薩問輒
首曰今者如來爲所至湊答曰從所來處又
問何所從來答曰如所去處又問輒首其化
現者無所從來無所從去答曰族姓子譬如
化者無所從來無所從去一切諸法亦復如
是一切衆生等無有異不來不去又問輒首
一切諸法爲何所趣答曰所趣自然又問一
切衆生爲何所歸答曰隨其所作又問輒首
一切諸法無作無報答曰族姓子其法界者
無作無報無徃等御諸法則爲法界又問云
何言有作有報有徃而謂無徃答曰族姓子
如其所作如其所報所徃亦然又問輒首曰

何謂爲作云何報應何因所往荅曰如所作者報應亦如所往亦如又問輒首其如無本者亦無有作無有報應無有往趣荅曰如族姓子如無本者亦無所作亦無報應亦無往趣所作報應往趣亦然無來無去所作報應所往至處其如無本無所歸趣說是語時如在世尊能仁佛前賢者舍利弗賢者阿難及餘大弟子悉聞斯講舍利弗白佛唯然如來恠未曾有斯諸正士爲大聖人而師子吼等同一法說若干種音聲言說與法合同而無錯謬誰聞斯者不發無上正真之道乎佛告舍利弗誠如所云菩薩大學無罣礙故今者

所說無所罣礙如其所種必獲其果如其所
出報應亦然菩薩如是學無罣礙從其聖慧
如分別說如舍利弗本所學禁自故斯慧辯
才亦然光淨菩薩問世尊曰何謂聲聞學何
謂菩薩學佛言有限有礙是聲聞學無限無
礙是菩薩學其聲聞學因其所限而致罣礙
由是之故所說有限致於罣礙而諸菩薩學
無有限致無罣礙由是之故所說無限無有
罣礙光淨菩薩前白佛言惟天中天願現感
應使諸正士來至於斯令此衆會聞所說法
各得其所無令唐舉所以者何輒首童具所
行深奧所論經法亦復要妙尔時世尊即現

瑞應輒首尋時與二十五正士及諸天子往詣佛所稽首足下遷住一面光淨菩薩請輒首曰仁者何故越如來會獨於屏處而論講經輒首荅曰族姓子知如來甚尊而不可當諸佛大聖由是之故一切所說或懼不可故在一面又問輒首說何所法可如來乎輒首荅曰如吾所說世尊知之光淨曰雖尔願說其意荅曰如吾所及今當宣現惟族姓子如有所說不違法界不失本無不失本際所說如是則可如來又若所說無所訟理無所呵叱無所興爲亦無因緣無有色像亦無比類如是說者奉順如來無我同像無他人形不

等法貌無非法貌無終始貌無泥洹貌如是
說者爲可如來於是世尊告輒首曰善哉善
哉快說此言誠如所云如是說者不違如來
又次輒首假使悉離一切戲樂而無憤乱若
不本要離諸所想無有衆想有所說者所趣
寂然而不動轉被大德鎧定意說法無能毀
敗其經典者不見諸法有所增者有所減者
如斯所說則可如來說是語時八百菩薩得
不起法忍

普超三昧經奉鉢品第三

尔時天子千二百人在於會中乃於往古造
菩薩行則忘道意志不堅固心自念曰佛慧

巍巍不可限量無上正真道意難可獲致菩薩所學而不可逮最正真者甚難可得吾等於是不能學辯不如改求聲聞緣覺而取滅度尔時世尊知諸天子心之所念以此等倫堪成無上正真之道爲最上正覺而欲中廢遂取小乘佛欲勸化諸天子故離於道場在衆會表化作長者手擎滿鉢百種飲食賫詣佛所白世尊曰惟願大聖加哀受食佛即取鉢輒首菩薩興詣佛所叉手啓曰今食盛饌當念故恩吾誠信聞大聖雖食而不以法惠及於鄙惟宜加施以法相惠尅復徃意於是賢者舍利弗心自念言輒首徃故有何恩德

於世尊所而言雖食願前法恩則白佛言輒
首童眞宿有何恩於大聖乎而置如來雖當
食者念前法恩佛告且待斯須自當發遣如
來所知非尔所及佛即尋時捨鉢於地鉢即
下沒遊諸佛土諸佛正覺今現在者各各見
鉢降其足下在於下方過七十二江河沙等
諸佛國土至光明王如來國界界号照曜鉢
住於彼處于虛空無執持者自然如立所往
諸佛諸弟子衆各各前啓問其世尊鉢所從
來諸佛各告說其意故上方世界界号爲忍
彼有如來名曰能仁現在說法能仁如來故
降斯鉢而欲勸化諸異菩薩志退落者於時

世尊告舍利弗汝行求鉢察知所在而赴致
來即時受教自以智力承佛聖旨三昧正受
以一萬定超萬佛土徧求索鉢不知所在還
白佛言唯然世尊求之不見不知所在於時
世尊告大目連言汝今且行求索鉢來察其
所在爲處何方目連受教以神足力承佛聖
旨三昧正受入八千定倏忽超過八千佛國
求之不見不知所處還白佛言曰輒竭神力
不蒙執鉢焉能致乎世尊復告須菩提曰汝
行求鉢知其所歸索賫致來即亦受教三昧
正受萬二千定恍惚超越萬二千佛土求不
見鉢不知所止如是五百諸大聲聞在於虛

空各現神足三昧之力神通聖勢天眼徹瞻
各行求鉢不知所在亦不能得時須菩提即
前造白慈氏菩薩曰仁者高才一生補處如
來所蒞當爲無上正真道成最正覺仁慈恩
廣智慧弘達衆所不及獨步三界而無有侶
當知鉢處惟能致之奉贖來耳幸屈威尊而
舉鉢還慈氏菩薩報須菩提曰誠如所云受
如來慧當成正覺今者輒首所興定意進止
坐起予所不及不能曉了於斯三昧惟須菩
提雖於來世吾當成佛菩薩衆數如江河沙
悉爲輒首之所開導欲知一步舉足所念不
識所歸是故仁者當請輒首惟斯大士知鉢

處所所止之土堪任致來時須菩提啓世尊
曰願垂恩教大聖則遣輒首取鉢輒首奉命
自思念曰吾不起座不離衆會而舉鉢來輒
首三昧名曰普超是諸菩薩定意正受於時
輒首申其右掌而內于地過踰下方所經諸
佛無極大聖一一次第以手禮之其手掌中
自然有音稱能仁如來至真等正覺敬問無
量興處輕利力勢如常遊居安耶其掌手臂
一一毛孔尋自然出億百千炫光曜之明一
一光明各各變現百千蓮華一一蓮華各化
如來相好具足處蓮華上跏趺而坐一一世
尊各各讚揚能仁如來名德功勳所可遊歷

諸佛之上應時諸國六返震動又諸佛國自
然大光靡不周徧一切佛國各各而現有斯
手掌又諸佛土自然懸繒幢幡衆蓋莫不莊
嚴徧散衆華處處校飾輒首手掌過七十二
江河沙等諸佛國土禮諸佛竟斯頃之間忽
然即至照曜世界光明王佛國禮畢自然有
大音出稱能仁如來敬問無量光明王如來
有侍菩薩名曰光英自啓如來此何手掌殊
妙巍巍威神難及而自然出億百千姪光明
暉赫一一光明而各化出億百千姪嚴淨蓮
華一一蓮華如來各坐咨嗟能仁聖喆之勲
光明王佛告光英曰有族姓子上方去此七

十二江河沙等諸佛國土有忍世界如來至
眞等正覺号曰能仁現在說法彼有大士名
曰軟首被戒德鎧不可思議一切神通力度
無極自在在於座而不移起延手掌來欲舉鉢
還時光明王佛土諸菩薩衆皆共渴仰欲得
覩見彼忍世界能仁如來軟首大士光明王
佛悉知衆會意之所見僥放眉頂相光其光
通照七十二江河沙等諸佛國土上至忍界
靡不晃昱其有衆生被蒙光者一切獲安無
有諸患如四域皇帝轉輪聖王諸修行者專
精學定被斯光者悉得道迹其得禪者悉過
三界獲四證德其漏盡者得八脫門禪定羅

漢得無著源其諸菩薩光照身者普皆逮得
日光三昧如是之比光明王如來佛土菩薩
大士見斯忍界世尊能仁輒首童真一切聲
聞比丘聖衆諸菩薩等光英菩薩觀忍世界
諸菩薩衆尋即淚出便說斯言白佛言曰唯
然世尊如妙水精如意明珠墮不淨中誠可
矜惜此諸菩薩生忍界者亦復如是甚可憐
感光明王佛謂光英曰勿宣是語所以者何
在此佛土精修禪行至于十劫不如忍界從
明晨旦至早食頃興發慈心哀念衆生此之
功德最勝無倫難可逮及所以者何斯諸菩
薩大士之衆無有陰蓋塵勞已盡其於忍界

護正法者德不可量。尔時忍界諸菩薩衆光
明照身，則問能仁天中天曰：唯然世尊，此何
光明孰演出來，滅諸塵勞，令無瑕穢？時佛告
曰：有族姓子，下方度此七十二江河沙等諸
佛國土，而有世界名曰照曜，彼有如來号光
明王，現在說法，其光明王如來至真，放眉頂
光，其光通照七十二江河沙等諸佛國土，而
大晃昱，逮照斯土時，諸菩薩及衆聲聞各啓
佛曰：唯然世尊，我等欲見照曜世界光明王
如來，諸菩薩衆能仁如來，放足心，千福相輪
光，其光普照下方七十二江河沙等諸佛國
土，至照曜界，靡不周徧，下方世界諸菩薩衆

身蒙斯光皆悉逮得須彌光明三昧當尔之
時於斯佛土及彼世界斯土見彼彼土見此
轉相覩達猶如此土閻浮提人住於地上仰
瞻日月下方世界觀諸菩薩能仁如來及忍
世界亦復如是此土人民見於下方猶如諸
天任須彌頂頰于天下閻浮提域斯諸菩薩
見光明王如來諸菩薩等被大德鎧難及難
量於是輒首以右掌至照曜界彼光明王如
來佛土於虛空中即握取鉢與無央數億百
千姪諸菩薩衆眷屬圍繞踊出上方手掌擎
鉢所歷佛國轉來上者光明蓮華稍便不現
右手執鉢還忍世界於大聖前跪而奉授啓

世尊曰垂恩受之佛即受鉢時諸菩薩與輒
首掌而俱來者前詣佛所稽首于地各各自
宣如來之名其佛大聖致敬無量聖體勝常
遊步無限慧力平康諸菩薩衆敬問占畢退
坐一面如佛所教安隱之座尔時世尊告舍
利弗今且聽斯善思念之今爲若說乃昔往
古吾身造行爲菩薩時則是輒首本所逮發
今者所以宣置斯意世尊雖食當念疇昔法
施之恩乃曩過去久遠世時無央數不可計
會億百千劫復踰此數尔時有佛名莫能勝
幢如來至具等正覺世界名無別異莫能勝
幢如來諸聲聞衆八萬四千菩薩大士十二

億衆其佛世尊於五濁世演三乘教有一比丘而爲法師名曰慧王。明旦著衣執持應器入弘廣國而行。分衛得百味飯若干種。食分衛竟。出行於街路。有尊者子名離垢臂。爲乳母所抱而行。遊戲時離垢臂遙見比丘遊行趣之下。乳母抱尋隨。比丘從求飯食於時比丘與摸特蜜搏幼童。即食知其甘美。遂隨比丘。蜜搏欲盡。願眇乳母意欲還抱。比丘復授蜜搏幼童。復進稍稍轉至。莫能勝幢如來之所瞽首足下。則任其前於時比丘慧王所得分衛食饌。授與幼童而謂之曰。童子受斯分衛之具。供養如來。尋即受之。已滿佛鉢。食不

減損次與聲聞八萬四千菩薩十二億佛及
聖衆皆悉充飽如是之供至于七日飯則如
故亦不損減於時幼童踊躍歡喜善心生焉
任世尊前則而頌曰

佛聖衆飽滿

鉢食不損耗

奉事於衆祐

福田無有疑

世吼食充足

餽饌而不減

獻進于衆祐

不疑道無盡

其饌既不損

供具轉弘多

恭敬等正覺

增長清白法

佛告舍利弗於時幼童以一鉢食供養世尊

及諸聖衆承佛聖旨已心清白具足七日食

不損耗慧王比丘教訓幼童歸命於佛及法

聖衆令受禁戒尅心悔過勸使請問發無上

正具道意於是父母求索其子便詣莫能勝
幢如來所誓首作禮退任一面幼童拜謁問
訊父母以偈讚曰

我志願佛道

愍哀諸羣生

閑暇難得值

親亦宜誓意

且觀正覺身

諸相好莊嚴

慧度於無極

孰不發道意

惟父母見釋

得出棄捐家

順妙智慧教

得學為寂志

父母即荅曰

我等好樂道

從尔為明則

亦欲願捨家

佛告舍利弗於時幼童化其父母及五百人
悉念學法志於無上正真之道皆於佛世棄
家為道時佛教之行菩薩道六度無極四等

四恩分別解空精進不懈自致得佛卿舍利
弗欲知尔時慧王比丘爲法師者豈異人乎
勿作斯觀所以者何則輒首童眞也其離垢
臂尊者子者則吾是也昔徃古世輒首童眞
以饌見施供養佛衆令發無上正眞道意則
是本身初發意原以是之故而當知之今者

如來所成聖覺無極之慧十種力四無所畏
十八不共無罣礙慧皆是輒首所勸之恩所
以者何因從發意至諸通慧如佛所蒙因致
大道今吾觀覩十方世界不可稱限不可計
會諸佛國土今現在者諸佛世尊同号能仁
悉是仁者輒首所勸或号盛聖或号明星或

名所歡或名錠光或謂離漏或謂妙勝佛告
舍利弗今我一劫若過一劫宣揚演說諸佛
名号輒首大士所開化者於今現在轉于法
輪不可稱限何況有行菩薩乘者或有處於
兜率天者或有退來入母胞胎而復出生捨
家爲道或坐佛樹或處道場成最正覺不可
限喻其有欲說誠諦之事審實無虛輒首童
真則諸菩薩之父母也愍哀勸化興顯大道
所生親者則當謂於輒首童真向者輒首宣
揚報恩今復申說雖當食者施我鉢餌所食
之餘吾前世時先有所施正謂於斯尔時千
二百諸天子欲墮落者各心念言當堅其志

恭敬於法除諸因緣去諸根原今者現在世
尊前所發願輒首勸化及開餘人使至于道
而不退轉於無上正真吾等云何而欲墮落
吾等何故在如來前興卑賤意志崇小節今
當捨於聲聞緣覺慇懃志求無上正真道意
輒首申掌示現變化乃至下方光明王佛所
處國土而致鉢來一切普入不復講說往古
開化所說經典下方佛土此世尊界不可計
數衆生之類即發道心十方世界羣萌之疇
悉來供養輒首童真諸佛世尊皆遣寶蓋供
施經典彼時寶蓋則覆三千大千佛國從其
寶蓋自然出音誠如能仁尊如如來所讚稱

揚悉是轉首之所勸化

普超三昧經卷第一

准

靡苗反彼捷沓唐上音合軋下音軋然上音然

 送徒迤也鎧苦亥反祚反昨素僥反古堯

厲音例抑挫下上無舊音一音一結反音又音又捐

 廢上音澹怕反上敢反下喟口口惟反反又音又

 也起耕純下音熟求位反音反誘引音也音也打

 撲下木恬徒添琦音音綺下音

 餅隱呵叱下昌鄙反碑荆并列也反孩數也反音反

 也類戲吊上錯下上苒落反屏音上

暉赫下許客反一詰古文也晃上胡廣反下余

矜居陵反音輻福頻于舊音不出准玉篇作握

於角反也乃下乃黨反音抱蒲保反文佞頭也

願下音也麵眾祐音右上亦世錠光上音

胞胎交上必文也



